



REPUBLIKA E SHQIPERISE
GJYKATA ADMINISTRATIVE E SHKALLES SE PARE
KORÇE

Nr. (653)-00423 Regj. Them
Data e Regj: 16.09.2015

Nr.600 (548) Vendimi
Data:16.11.2015

V E N D I M

NE EMER TE REPUBLIKES

Gjykata Administrative e Shkalles se Pare Korçe e perbere nga:

SOKOL IBI - Gjyqtar

Asistuar prej sekretares Marinela Rushi, pasi shqyrtoi ne seance gjyqesore publike, sot me date 16.11.2015, çeshtjen administrative me Nr.(653)-00423 Regj.Them, qe i perket paleve ndergjyqese:

PADITES: “Gusto OIL” sh.p.k me seli ne fshatin Ravonik, Korçe, i perfaqesuar ne gjykim nga perfaqesuesi ligjor Ilirjan Qyteti.

I PADITUR: 1. **Drejtoria Rajonale Tatimore Korçe** e perfaqesua ne gjykim me autorizim nga juristja Mirela Veriga si dhe nga Avokate e Shtetit Eva Saraçi;
2. **Drejtoria e Apelimit Tatimor**, e perfaqesuar ne gjykim me autorizim nga juristja Mirela Veriga si dhe nga Avokate e Shtetit Eva Saraçi.

OBJEKTI: 1. Shfuqizimin e aktit administrativ “Njoftim vleresimi per detyrimet tatimore Nr.2289/1, date 01.06.2015 te Drejtorise Rajonale Tatimore Korçe;
2. Shfuqizimi i vendimit te Drejtorise se Apelimit Tatimor Nr.19472/1, date 13.08.2015.

BAZA LIGJORE: Nenet 6/1 te KEDNJ, neni 115/a, 116 e vijues te ligjit Nr.8485, date 12.05.1999, K.Pr.Civile, ligji Nr.49/2012, udhezimi i Ministrise se Financave Nr.24, date 02.09.2008 I ndryshuar.

Ne perfundim te gjykimit, gjykata pasi shqyrtoi provat ne teresi, ne konkluzionet perfundimtare pala paditese perfundimisht kerkoi pranimin e padise, pala e paditur perfundimisht kerkoi rrezimin e padise,

VEREN

Se pala paditese ka paraqitur para gjykates padine me objektin e mesiperm.

Faktet e ceshtjes.

Gjate gjykimit rezultoi e provuar se pala paditese eshte nje shoqeri tregetare e cila e ushtron veprimtarine e saj tregetare ne fshatin Ravonik Korçe ne fushen e tregetise me shumice dhe pakice te artikujve te ndryshem industriale.

Gjate gjykimit rezultoi e provuar se ne daten 15.05.2015 inspektoret e hetimit te Drejtorise se Hetimit prane Drejtorise Rajonale Tatimore Tirane kane ndaluar automjetin ne pronesi te pales paditese me targa AA266 GH i cili drejtohej nga shtetasi Valter Pina.

Ne brendesi te automjetit ndodheshin mallra te ndryshem ushqimore dhe malli ishte i shoqeruar me faturen e shoqerimit Nr.14216235, date 15.05.2015.

Transportuesi i mallit nuk e kishte me vete kasen fiskale pasi e kishte ne servis prane kompanise BNT Electronics, sikurse rezulton nga procesverbali i dates 14.05.2015 i kompanise BNT Electronics.

Subjekti pale paditese ne kete gjykim nuk kishte me vete deftesat tatimore.

Ne te tilla rrethana eshte hartuar procsverbali i konstatimit i dates 15.05.2015 ku eshte konstatuar se pala paditese per shitjet e kryera nuk perdor deftesen tatimore ne kundershtim me ligin Nr.9920/20085 te ndryshuar, nenin 122, pika "a", germa "b".

Nga procesverbali i gjobes i dates 28.05.2015 i Drejtorise Rajonale Tatimore Korçe eshte vendosur denimi i pales paditese ne masen e 200.000 leke gjobe per kryerjen e kundravajtjes administrative te parashikuar nga neni 122, pika 1, germa

“b” te ligjit Nr.9920/2008, me arsyetimin se pala paditese nuk leshon deftesat tatimore per shitjet e kryera.

Me aktin administrativ njoftim vleresimi per detyrimet tatimore Nr.2289/1, date 01.06.2015 te Drejtorise Rajonale Tatimore Korçe eshte njoftuar paditesi per detyrimin e tij per te paguar gjoben ne masen 200.000 leke per kryerjen e kundravajtjes administrative te mesiperme.

Me vendimin Nr.19472/1 Prot, date 13.08.2015 te Drejtorise se Apelimit Tatimor eshte vendosur lenia ne fuqi e aktit administrativ “Njoftim vleresimi per detyrimet tatimore” Nr.2289/1 Prot, date 01.06.2015 te nxjerre nga Drejtoria Rajonale Tatimore Korçe, gjobe per mosleshim te kuponit tatimor.

Ne te tilla rrethana pala paditese i eshte drejtuar me padine objekt gjykimi kesaj gjykate.

Pala paditese pretendon se nuk e ka kryer kundravajten administrative te mosleshimit te kuponit tatimor apo defteses tatimore, sepse automjeti ne pronesi te saj nuk ka qene duke shitur mallra ne kohen qe eshte ndaluar nga inspektoret e hetimit te Drejtorise se Hetimit Tatimor, por ka qene ne ecje dhe eshte ndaluar prej tyre.

Shoferi i automjetit ne pronesi te pales paditese nuk po shiste mall por po shkonte te merrte kasen fiskale te cilen e kishte lene per kolaudim ne ambientet e BNT Electronics.

Pala paditese pretendon se shoferi i kishte me vete faturat tatimore te shitjes, por jo deftesat tatimore.

Pala paditese pretendon se nuk ka kryer asnje shkelje te ndonje dispozite ligjore ne kushtet kur po transportonte mall me fature te rregullt transporti.

Pala e paditur ka shkelur parimin e ligjshmerise pasi ka vendosur denimin me gjobe te paditesit per veprimet e cilat nuk parashikohen si kundravajte administrative.

Eshte shkelur e drejta e pales paditese per tu degjuar.

Mbasi ka marre kasen fiskale e cila eshte riparur pala paditese ka filluar shitjet me kupon te rregullt tatimor te sendeve ushqimore qe kishte me vete ne automjet.

Pala e paditur ka prapësuar duke pretenduar se paditesi nuk kishte me vete deftesa tatimore, rrethane e cila eshte cituar ne aktin e konstatimit.

Dispozita ligjore te zbatueshme.

Ligji nr.9920/2008 "Per Procedurat Tatimore ne R.SH".

Neni 122

Kundërvajtjet administrative në përdorimin e pajisjeve fiskale, për lëshimin e kuponave fiskalë e të biletave.

1. *Tatimpaguesi, person juridik ose fizik, tregtar, dënohet në rast se:
...b) nuk lëshon kupon tatimor për të dokumentuar qarkullimin e realizuar të mallrave apo të shërbimeve...".*

Udhezimi Nr.24, date 02.09.2008 i Ministrit te Financave.

46.1.6 Dëftesa tatimore lëshohet nga te gjithë personat e tatueshëm shitës me pakice, subjekte te tatimit mbi vlerën e shtuar apo te tatimit mbi fitimin, te cilët nuk janë te pajisur me arke regjistruese ose qe, sipas Vendimit te Këshillit te Ministrave Nr. 781, date 14.11.2007, ne raste te veçanta mund te mos lëshojnë kupon tatimor.

Udhezimi Nr.16, date 03.05.2010 I Ministrise se Financave.

19. Përdorimi i dëftesave tatimore në rastet e mosfunksionimit të përkohshëm të pajisjeve fiskale Në rastet e mosfunksionimit të përkohshëm të pajisjeve fiskale, të parashikuara në vendimin e Këshillit të Ministrave, tatimpaguesit janë të detyruar të përdorin dëftesën tatimore për çdo shitje me pakicë që realizojnë.

Vleresimi i gjykates per ceshtjen objekt gjykimi.

Ne rastin konkret gjykata çmon se pala paditese nuk ka qene duke shitur mallin e saj ne kohen e ndalimit nga ana e inspektoreve te hetimit tatimor te makines ne pronesi te pales paditese, por ka qene duke transportuar mallin e saj me fature te rregullt transporti.

Ne te tilla rrethana pala paditese nuk ka kryer shitje per te qene e detyruar te leshonte deftesen tatimore ne mungese te kases fiskale.

Ne te tilla rrethana pala paditese nuk e ka kryer kundravajten administrative te parashikuar nga neni 122/1, pika "b" te ligjit Nr.9920/2008, te mosleshimit te kuponit tatimor per shitje te kryer, pasi nuk ka kryer shitje te mallit te saj ne momentin e ndalimit nga inspektoret e hetimit tatimor.

Per keto arsye gjoba e vendosur ne masen 200.000 leke pales paditese per kryerjen e kesaj kundravajte administrative duhet shfuqizuar nga gjykata, e po keshtu edhe akti administrativ njoftim vleresimi per detyrimet tatimore Nr.2289/1 Prot, date 01.06.2015 i Drejtorise Rajonale Tatimore Korçe. I pabazuar ne ligj eshte edhe vendimi Nr.19472/1 Prot, date 13.08.2015 i Drejtorise se Apelimit Tatimor qe ka lene ne fuqi njoftim vleresimin per detyrimet tatimore.

Per keto arsye padia e paditesit eshte e bazuar ne prova dhe ne ligj dhe si e tille ajo duhet pranuar nga gjykata.

Ne baze te nenit 45 te ligjit Nr. 49, date 03.05.2012 "Per Organizimin dhe Funksionimin e Gjykatave Administrative dhe Gjykimin e Mosmarrveshjeve Administrative", ndaj ketij vendimi nuk lejohet ankimi, sepse objekt kerkimi eshte kundërshtimi i akteve administrative qe permbajne detyrime ne te holla me vlere me te vogel se njezetefishi i pages minimale ne shkalle vendi. Paga minimale ne shkalle vendi me baze te V.K.M Nr.573, date 03.07.2013 eshte ne masen 22.000 leke, ndërsa njezetefishi i saj eshte i barabarte me 440.000 leke.

PER KETO ARSYE

Gjykata ne baze te neneve 40, 41 te ligjit Nr. 49, date 03.05.2012 "Per Organizimin dhe Funksionimin e Gjykatave Administrative dhe Gjykimin e Mosmarrveshjeve Administrative"

VENDOSI

1. Pranimin e padise.
2. Shfuqizimin e aktit administrativ njoftim vleresimi per detyrimet tatimore Nr.2289/1 Prot, date 01.06.2015 te Drejtorise Rajonale Tatimore Korçe.
3. Shfuqizimin e vendimit Nr.19472/1 Prot, date 13.08.2015 te Drejtorise se Apelimit Tatimor.
4. Shpenzimet gjyqesore jane ne ngarkim te pales se paditur ne pjese te barabarta. Ky detyrim duhet te permbushet nga debitori pale e paditur ne gjykim pas marrjes forme te prere te ketij vendimi, duke derdhur ne llogarine bankare te kreditorit shumen perkatese monetare dhe eshte nje detyrim i ekzekutueshem nga permbaruesi gjyqesor.

- Kunder ketij vendimi nuk lejohet ankim.
- U shpall sot me date 16.11.2015 ne Korçe.


SEKRETARE

MARINELA RUSHI



GJYQATAR

SOKOL IBI



Shpenzimet gjyqesore:

1. Takse pulle 3.000 leke;
Totali 3.000 leke (te parapaguara nga paditesi).

Shenim: Vendimi ka marre forme te prere sot ne daten _____.

**KANCELAR
ALEKSANDER DINO**